

文殊師利所說不由議佛境界經卷上 當  
南天竺國沙門菩提留志等奉制譯  
如是我聞一時佛在舍衛國祇樹給孤獨園  
與大比丘衆一千人菩薩十千人俱復有欲  
界諸天子色界諸天子及淨居天子并其眷  
屬無量百千周而圍繞供養恭敬聽佛說法  
爾時佛告文殊師利菩薩言童子汝有辯才  
善能開演汝今應爲菩薩大衆宣揚妙法時  
文殊師利菩薩白佛言世尊佛今令我說何  
等法佛言童子汝今應說諸佛境界文殊師  
利菩薩言世尊佛境界者非眼境界非色境  
界非耳境界非聲境界非鼻境界非香境界  
非舌境界非味境界非身境界非觸境界非  
意境界非法境界無如是等差別境界是乃  
名爲諸佛境界世尊善男子善女人有欲入  
於佛境界者以無所入而爲方便乃能悟入  
爾時文殊師利菩薩白佛言世尊如來於何  
等境界而得菩提佛言童子我於空境界得

菩提諸見平等故無相境界得菩提諸相平等故無願境界得菩提三界平等故無作境界得菩提諸行平等故童子我於無生無起無爲境界得菩提一切有爲平等故時文殊師利菩薩復白佛言世尊無爲者是何境界佛言童子無爲者非思量境界文殊師利菩

薩言世尊非思量境界者是佛境界何以故非思量境界中無有文字無文字故無所辯說無所辯說故絕諸言論絕諸言論者是佛境界也爾時世尊問文殊師利菩薩言童子諸佛境界當於何求文殊師利菩薩言世尊諸佛境界當於一切衆生煩惱中求所以者

何若正了知衆生煩惱即是諸佛境界故此正了知衆生煩惱是佛境界非是一切聲聞辟支佛所行之處爾時世尊復語文殊師利菩薩言童子若佛境界即於一切衆生煩惱中求者諸佛境界有去來乎文殊師利菩薩言不也世尊諸佛境界無來無去佛言童子若

諸佛境界無來無去者云何而言若正了知衆生煩惱即是諸佛境界耶文殊師利菩薩言世尊如諸佛境界無來無去諸煩惱自性亦復如是無來無去佛言童子何者是諸煩惱自性文殊師利菩薩言世尊佛境界自性即是諸煩惱自性世尊若佛境界自性異諸煩惱自性者如來則非平等正覺以不異故於一切法平等正覺說名如來爾時世尊復語文殊師利菩薩言童子汝能了知如來所住平等法不文殊師利菩薩言世尊我已了知佛言童子何者是如來所住平等法文殊師利菩薩言世尊一切凡夫起貪瞋癡處是如來所住平等法佛言童子云何一切凡夫起貪瞋癡處是如來所住平等法文殊師利菩薩言世尊一切凡夫於空無相無願法中起貪瞋癡是故一切凡夫起貪瞋癡處即是如來所住平等法佛言童子空豈是有法而言於中有貪瞋癡文殊師利菩薩言世尊空

是有是故貪瞋癡亦是有佛言童子空云何  
有貪瞋癡復云何有文殊師利菩薩言世尊  
空以言說故有貪瞋癡亦以言說故有如佛  
說比丘有無生無起無作無爲非諸行法此  
無生無起無作無爲非諸行法非不有若不  
有者則於生起作為諸行之法應無出離以

有故言出離耳此亦如是若無有空則於貪  
瞋癡無有出離以有空故說離貪等諸煩惱耳  
佛言童子如是如是如汝所說貪瞋癡等一  
切煩惱莫不皆住於空之中文殊師利菩薩  
復白佛言世尊若修行者離貪瞋等而求於  
空當知是人未善修行不得名爲修行之者  
何以故貪瞋癡等一切煩惱性即空故余時世  
尊復語文殊師利菩薩言童子汝於貪瞋癡  
爲已出離爲未離乎文殊師利菩薩言世尊  
貪瞋癡性即是平等我常住於如是平等是  
故我於貪瞋癡非已出離亦非未離世尊若  
有沙門婆羅門自見離貪瞋癡見他有貪瞋

癡即是二見何謂二見謂斷見常見所以者  
何若見自身離貪瞋癡即是斷見若見他身  
有貪瞋癡即是常見世尊如是之人非爲正  
住夫正住者不應於己見勝謂他爲劣故余  
時世尊復語文殊師利菩薩言童子若如是  
者住於何所名爲正住文殊師利菩薩言世  
尊夫正住者無有所住住無所住是乃名爲  
正住之耳佛言童子豈不以住於正道爲正  
住耶文殊師利菩薩言世尊若住正道則住  
有爲若住有爲則不住於平等法性何以故  
有爲法有生滅故余時世尊復語文殊師利  
菩薩言童子無爲是數法不文殊師利菩薩  
言世尊無爲者非是數法世尊若無爲法墮  
於數者則是有爲非無爲也佛言童子一切  
聖人得無爲法不有數耶文殊師利菩薩言  
世尊非諸聖人證於數法已得出離諸數法  
故余時世尊復語文殊師利菩薩言童子汝  
爲成就聖法爲成就非聖法文殊師利菩薩

言世尊我不成就聖法亦不成就非聖法世尊如有化人爲成就聖法爲成就非聖法佛言童子化人不可言成就聖法亦不可言成就非聖法文殊師利菩薩言世尊佛豈不說一切諸法皆如幻化佛言如是文殊師利菩薩言世尊一切諸法如幻化相我亦如是云何可言成就聖法成就非聖法尔時世尊復語文殊師利菩薩言童子若如是者汝何所得文殊師利菩薩言世尊我得如來平等無自性境界佛言童子汝得佛境界耶文殊師利菩薩言若世尊於佛境界有所得者我亦得於諸佛境界持長老湏菩提問文殊師利菩薩言大士如來不得佛境界耶文殊師利菩薩言大德汝爲得聲聞境界不湏菩提言大士聖心解脫無有境界是故我今無境界可得文殊師利菩薩言大德佛亦如是其心解脫無有境界云何而謂有所得乎湏菩提言大士汝今說法可不將護初學心耶文殊

師利菩薩言大德我今問汝隨汝意答如有良醫欲治人病爲將護病人心故不與辛酸鹹苦應病之藥能令其人病得除差至安樂不答言不也文殊師利菩薩言大德此亦如是若說法師爲將護初學心故隱甚深法而不爲說隨其意欲演鹿淺義能令學者出生死苦至涅槃樂無有是處說是法時衆中有五百比丘僧諸漏永盡心得解脫八百諸天子遠塵離垢得法眼淨復有七百諸天子聞其辯才深生信樂皆發阿耨多羅三藐三菩提心爾時湏菩提復白文殊師利菩薩言大士汝頗亦於聲聞乘而生信解又以此乘法度衆生不文殊師利菩薩言大德我於一切乘皆生信解大德我信解聲聞乘亦信解辟支佛乘亦信解三藐三佛陀乘湏菩提言大士汝爲是聲聞爲是辟支佛爲是三藐三佛陀耶文殊師利菩薩言大德我雖是聲聞然不從他聞雖是辟支佛而不捨大悲及無所

長雖已成正等覺而於一切所應作事未嘗  
休息湏菩提又問言大士汝云何是聲聞答  
曰我恒爲一切衆生說未聞法是故我爲聲  
聞又問言汝云何是辟支佛答曰我能了知  
一切諸法皆從緣起是故我爲辟支佛又問  
言汝云何是三藐三佛陀答曰我常覺悟一

切諸法體相平等是故我爲三藐三佛陀尔  
時湏菩提又問言大士汝決定住於何地爲  
住聲聞地爲住辟支佛地爲住佛地耶文殊  
師利菩薩言大德汝應知我決定住於一切  
諸地湏菩提言大士汝可亦決定住凡夫地  
耶答曰如是何以故一切諸法及以衆生其

性即是決定正位我常住此正位是故我言  
決定住於凡夫地也湏菩提又問言若一切  
法及以衆生即是決定正位者云何建立諸  
地差別而言此是凡夫地此是辟支佛地此  
是佛地耶文殊師利菩薩言大德辭如世間  
以言說故於虛空中建立十方所謂此是東

方此是南方乃至此是上方此是下方雖虛  
空無差別而諸方有如是如是神種差別此  
亦如是如來於一切法決定正位中以善方  
便立於諸地所謂此是凡大地此是聲聞地  
此是辟支佛地此是菩薩地此是佛地雖正  
位無差別而諸地有別耳尔時湏菩提復白

文殊師利菩薩言大士汝已入正位耶文殊  
師利菩薩言大德我雖已入亦復非入湏菩  
提言大士云何已入而非入乎文殊師利菩  
薩言大德應知此是菩薩智慧善巧我今爲  
汝說一辭喻諸有智人以辭喻得解大德如  
有射師其藝超絕惟有一子極重心愛其人  
復有極重怨讐耳不欲聞眼不欲覩或時其  
子出外遊行在於遠處路側而立父遙見之  
謂是其怨執弓持箭控弦而射箭既發已方  
知是子其人巧捷疾走追箭箭未至間還復  
收得言射師者喻菩薩也一子者喻衆生也  
怨家者喻煩惱也所言箭者此則喻於聖智

慧也大德當知菩薩摩訶薩以般若波羅密觀一切法無生正位大悲善巧故故不於實際作證而住聲聞辟支佛地誓將化度一切衆生至佛地矣尔時須菩提又問文殊師利菩薩言大士何等菩薩能行此行文殊師利菩薩言大德若菩薩示行於世而不爲世法所染現同世間不於諸法起見雖爲斷一切衆生煩惱勤行精進而入於法界不見盡相雖不任有爲亦不得無爲雖處生死如遊園觀本願未滿故不求速證無上涅槃雖深知無我而恒化衆生雖觀諸法自性猶如盡空而勤修功德淨佛國土雖入於法界見法平等而爲莊嚴佛身口意業故不捨精進若諸菩薩具如是行乃能行耳尔時須菩提復白文殊師利菩薩言大士汝今說此菩薩所行非諸世間所能信受文殊師利菩薩言大德我今爲欲令諸衆生永出世間說諸菩薩了達世法出離之行須菩提言大士何者是世法

云何名出離文殊師利菩薩言大德世間法者所謂五蘊其五者何謂色蘊受蘊想蘊行蘊識蘊如是諸蘊色如聚沫受如浮泡想如陽焰行如芭蕉識如幻化是故中無有世間亦無諸蘊及以如是言說名字若得是解心則不散心若不散則不染世法若不染世法即是出離世間法也復次大德五蘊諸法其性本空性空則無二無二則無我我所無我我所則無所取者無所取者即是出離世間法也復次大德五蘊法者以因緣有因緣有故則無有力無力則無主無主則無我我所無我我所則無受取無受取則無執競無執競則無諍論無諍論者是沙門法沙門法者知一切法如空中響若是出離世間法也復次大德此五蘊法同於法界法界者則是非界非界中無眼界無色界無眼識界無耳界無聲界無舌識界無鼻界無香界無鼻識界無舌界

無味界無舌識界無身界無觸界無身識界無意界無法界無意識界此中亦無地界水界火界風界虛空界識界亦無欲界色界無色界亦無有為界無為界我人衆生壽者等如是一切皆無所有定不可得若能入是平等深我與無所入而共相應即是出離世間法也說是法時會中比丘二百人永盡諸漏心得解脫各各脫身所著上衣以奉文殊師利菩薩而作是言若有衆生得聞於此甚深妙法應生信受若不生信欲求證悟終不得爾時長老須菩提語諸比丘言汝何所得以何為證諸比丘言大德無得無證是沙門法所以者何若有所得心則動亂若有所證則自矜負動亂矜負墮於魔業若有自言我得我證當知則是增上慢人佛言諸比丘汝等審知增上慢義不諸比丘答言世尊如我意者若有人言我能知苦是不知苦相而言我知我能斷集證滅修道是不知集滅道相

乃至而言我能修道應知此是增上慢人所以者何苦相者即無生相集滅道相即無生相無生相者即是非相平等相是諸聖人於一切法得解脫相是中無有知苦斷集證滅修道如是等相而可得者若有衆生得聞如是一切諸法平等之義而生驚怖應知是爲

增上慢者尔時世尊即告之言善哉善哉諸比丘如汝所說如是如是須菩提汝等當知此諸比丘已於過去迦葉佛所從文殊師利童子得聞如是甚深之法以聞法故疾得神通今復得聞隨順不逆須菩提若復有人於我法中得聞斯義生信解者皆於來世見彌勒佛若未發大乘意於三會中悉得解脫若已發大乘意者皆得住於堪忍之地尔時善勝天子白文殊師利菩薩言大士汝常於此間浮提中爲衆說法今兜率天上有諸天子曾於過去值無量佛供養恭敬種諸善根然生在天中耽著境界不能來此法會而有聽

受昔種善根今將退失若蒙誘誨必更增長惟願大士暫往天宮爲彼諸天弘宣法要尔時文殊師利菩薩以神通力即於其處忽然化作兜率天宮如其所有悉皆備足令善勝天子及此會中一切人天皆謂在於彼天之上具見於彼種種嚴飾園林池沼菓樹行列

殿堂樓閣棟宇交臨繡柱承梁彫窮間戶構櫨疊拱磊砌分布積寶爲臺莊嚴綺錯其臺極小猶有七層或八層九層乃至高于二十層者一一臺上處處層級皆有衆天女盛年好色手足柔軟額廣眉長面目清淨如金羅網常有光明亦如蓮華離諸塵垢發言不空笑

進止迴旋動必合儀麗而有則辭如滿月人所樂見笙簧琴瑟簫笛鍾鼓或歌或嘯音節相和妙妙成行分庭共舞如是等事宛然備睹時善勝天子見自宮殿及其眷屬歡娛事已心生疑惑白文殊師利菩薩言奇哉大士云何今我及以大衆瞬息之間而來至此

尔時長老須菩提語善勝天子言天子我初亦謂與諸大衆皆共至於兜率陁天而今乃知本來不動曾不共往彼天之上如是所見皆是文殊師利菩薩三昧神通之所現耳時善勝天子即白佛言世尊文殊師利菩薩甚爲希有乃能以此三昧神通不思議力今此衆會不動本處而言至此摩率陀天佛言天子汝但知文殊師利童子神通變化少分之力我之所知無有量也天子以文殊師利神通之力假使如恒河沙等諸佛國土種種嚴好各各不同能於一佛土中普令明見又以如恒河沙等諸佛國土集在一處狀如繒束舉擲上方不以爲難又以如恒河沙等諸佛國土所有大海置一毛孔而令其中衆生不覺不知無所觸娆又以如恒河沙等諸佛國土所有須弥山王以彼衆山內於一山復以此山內於芥子而令住彼山上一切諸天不覺不知亦無所娆又以如恒河沙等諸佛國

亦時長老須菩提語善勝天子言天子我初亦謂與諸大衆皆共至於兜率陁天而今乃知本來不動曾不共往彼天之上如是所見皆是文殊師利菩薩三昧神通之所現耳時善勝天子即白佛言世尊文殊師利菩薩甚爲希有乃能以此三昧神通不思議力今此衆會不動本處而言至此摩率陀天佛言天子汝但知文殊師利童子神通變化少分之力我之所知無有量也天子以文殊師利神通之力假使如恒河沙等諸佛國土種種嚴好各各不同能於一佛土中普令明見又以如恒河沙等諸佛國土集在一處狀如繒束舉擲上方不以爲難又以如恒河沙等諸佛國土所有大海置一毛孔而令其中衆生不覺不知無所觸娆又以如恒河沙等諸佛國土所有須弥山王以彼衆山內於一山復以此山內於芥子而令住彼山上一切諸天不覺不知亦無所娆又以如恒河沙等諸佛國

土其中所有五道衆生置右掌中復取是諸國土一切樂具一一衆生盡以與之等無差別又以如恒河沙等諸佛國土劫盡燒時所有大火集在一處令其大小如一燈炷所有火事如本無別又如恒河沙等諸佛國土所有日月若於一毛孔舒光映之普令其明隱蔽不

現天子我於一劫若一劫餘說文殊師利童子三昧神通變化之力不可窮盡今時魔波旬自變其身作比丘形在於會中却坐一面白佛言世尊我合聞說文殊師利童子神通之力不能信受惟願世尊令於我前現其神力使我得見余時世尊知是惡魔變為比丘欲令衆生善根增長故告文殊師利菩薩言汝應自現神通之力今此會中無量衆生咸得善利

文殊師利所說不思議佛境界經卷十一 窫

酸鹹上蘇官反下音咸俗作鹹同用除差字 恐讎上音酬反下音也 巧捷上音覺引反下音也 及矜負上居陵反

文殊師利所說不思議佛境界經卷下 窫

南天竺齋沙門善提留志等奉詔譯

余時文殊師利菩薩受佛教已即時入一切法心自在神通三昧入此三昧已起神通力現於如上所說神變之事顯然明著皆悉現前如佛所言不增不減預斯會者靡不感見是時大眾覩此神力歎未曾有同聲喝言善哉善哉諸佛如來爲衆生故出現世間復有如是善權大士同出於世而能現此不可思議威神之力余時惡魔見此種種神變事已歡喜踊躍禮文殊師利菩薩足合掌恭敬而向如來作如是言文殊師利童子甚爲希有

耽丁含反誘誨上音酉引也 棍宇上音篠屋反也 攢櫨上音擗下魯可反石昨上音盛挂頭抖也 磬上音每及下魯可反也 擳上音渠也 拱孤上音孤勇反 琴瑟下音琴瑟樂器也 嘯上音曉曉音也 瞞上音睭也 觀瞬息上音奔縉束上自陵反 觸燒下音達也